

Surxon tongi

2025-yil
20-avgust
(chorshanba)
33-son
(17 966)

1935-yil 18-martdan chop etila boshlagan



surxontongi.uz



t.me/surxontongi

Aholini zamonaviy turar joylar bilan ta'minlash, shahar infratuzilmasi va qiyofasini yaxshilash yo'nalishida olib borilayotgan keng ko'lamli islohotlarning borishi shaxsan viloyat hokimi nazoratida. Tadbirkorning huquqlarini himoya qilgan holda ularning burchlarini ham eslatib turishni odat qilgan viloyat

xizmat ko'rsatish nuqtalari hamda avtoservislar tashkil etish jarayonlari o'rganildi. Shuningdek, topshiriqlar ijrosi yuzasidan Termiz tumanidagi "Yangi O'zbekiston" massivida bo'lgan Ulug'bek Qosimov ko'p qavatli uy-joylar, "Yoshlar tadbirkorlik va sanoat zonasini", bog', ijtimoiy va ko'ngilochar maskanlar qurilishi jarayonlari

xavfsizligini ta'minlash va kuzatilayotgan tirbandliklarni kamaytirishga xizmat qiladi.

Qurilish sohasida amalga oshirilayotgan ishlarning borishi, yangi loyihalar taqdimotlari bilan tanishish ishlari Sariosiyo tumanida davom ettirildi. Viloyat hokimi,



ISLOHOTLAR SAMARASI

KUZATUVCHI EMAS, IJROCHI BO'LIB...



rahbari Termiz shahri va Termiz tumanida bo'lib, olib borilayotgan qurilish ishlari hamda avvalgi tashriflarda berilgan topshiriqlar ijrosi bilan tanishdi. Xususan, Termiz shahrida 800 xonadonli "O'zbekim" turar joy majmuasi, ko'p qavatli uy-joylar, Respublika shoshilinch tez tibbiy yordam markazi viloyat filialining 80 o'rinli qo'shimcha binosi, shuningdek, 2,6 gektar maydonda "Temirchilik klasteri" va qurilish materiallari sanoat zonasidagi ishlar ko'zdan kechirildi. Tig'iz ish kuniga qaramay, viloyat hokimi tomonidan "Tinchlik" mahallasida zamonaviy uslubda yopilgan kollektor ustida savdo va

bilan ham tanishib, pudratchi tashkilotlar va mas'ullar bilan amalga oshirilayotgan ishlarni muhokama qildi.

Binolarning qaddi raso, ko'rkamlashar ekan, unga ravon yo'llar, xavfsiz va qulay transport yo'laklari yarashadi. Buni teran anglagan holda, viloyat hokimi manzilning infratuzilmasi bilan alohida qiziqadi. Qumqo'rg'on tumani hududidan o'tuvchi temiryo'l va avtomobil yo'llari kesishmasida yo'l o'tkazgich qurish loyihalari taqdimoti bilan tanishgan hokim mutasaddilarga loyihaning texnik-iqtisodiy asoslarini puxta ishlab chiqish, zarur taklif va hisob-kitoblarni tayyorlash bo'yicha ko'rsatmalar berdi. Ta'kidlash o'rinliki, mazkur loyiha hududda harakat

dastlab, "Yangi O'zbekiston" massivida barpo etilayotgan ko'p qavatli turar joylar, oilaviy poliklinika va boshqa ijtimoiy obyektlar qurilishini ko'zdan kechirdi. Mas'ullarning mazkur yo'nalishdagi axborotlari tinglanib, hududni obodonlashtirish, yashil maydonlar tashkil etish hamda sug'orish tizimlari o'rnatish bo'yicha aniq vazifalar belgilab berildi.

"Sariosiyo Mall" savdo majmuasi va ko'p qavatli turar joylar kompleksini barpo etish, hududni ijtimoiy-iqtisodiy rivojlantirishga qaratilgan loyihalar taqdimoti ham ko'rib chiqildi. Keyingi manzillarda tuman markazini obodonlashtirish, infratuzilmani yaxshilash ishlari o'rganildi.

Xususan, tumandagi 9-sonli maktabning 570 o'rinli qo'shimcha o'quv binosida olib borilayotgan qurilish-ta'mirlash jarayonlarini ko'zdan kechirgan viloyat hokimi "Boysunobod" mahallasi hududida harbiy qism dala o'quv maydonida olib borilayotgan qurilish ta'mirlash ishlari bilan ham tanishdi. Shuningdek, Ulug'bek Qosimov tumanning "Hulkar" mahallasida ham bo'lib, asalarichilik bilan shug'ullanayotgan oila bilan dildan suhbatlashdi. O'rganish yakunida tuman hokimligida viloyatdagi qurilish sohasi mutasaddilari va soha vakillari, shuningdek, videokonferensaloqa orqali hudud mas'ullari ishtirokida dasturlar va loyihalar ijrosi, ijtimoiy soha obyektlari qurilishi

yuzasidan muhokama o'tkazildi.

Yurtning obodligini kuzata turib ilhomlanish mumkin, biroq bu manzillarda kechayotgan jarayonning bevosita ishtirokchisi bo'lish ulkan mas'uliyat va zimmangdagi vazifalar ijrosidan qoniqish hissinin ulashadi. Shu bois ham, viloyat hokimi har safar hududlarda bo'larkan, mutasaddilarga alohida topshiriqlar beradi va albatta, topshiriqlar ijrosi yuzasidan hisob so'raydi. Demakki, soniya sayin obodlashayotgan manzillarga keyingi tashrif jadal sur'atlarda kechgan bunyodkorlik ishlarning guvohi bo'lish imkonidir.

"Surxon tongi"

MUBORAK BO'LSIN!

O'zbekiston Respublikasi Prezidentining farmoni bilan milliy iqtisodiyotimizda barqaror o'sish sur'atlarini ta'minlash, yurtimizda tadbirkorlik rivojini yangi bosqichga ko'tarish, mamlakatimizning ishlab chiqarish va eksport salohiyatini yuksaltirish borasidagi xizmatlari, sohaga ilg'or innovatsion, "yashil" va raqamli texnologiyalarni joriy etish, investitsiyalarni jalb qilish, ish o'rinlari yaratish, aholi farovonligini oshirishga qo'shgan katta hisssasi, shuningdek, biznesda erishayotgan salmoqli natijalari hamda ijtimoiy hayotdagi munosib ishtiroki uchun "Shuhrat" medali bilan

RAJABOV Botir Jo'rayevich — Bandixon tumanidagi "Omad" fermer xo'jaligi boshlig'i

hamda Prezident farmoyishi bilan bir guruh vohadoshlarimiz "Faol tadbirkor" ko'krak nishoni bilan taqdirlandi:

ABDUKERIMOV Zafarjon

Baxtiyor o'g'li — Termiz tumanidagi "Termiz International Trade Centre" mas'uliyati cheklangan jamiyati direktorining o'rinbosari;

ANOROV Sherzod

Xolmurzayevich — Termiz shahridagi "Me'mor Inter Sstroy" mas'uliyati cheklangan jamiyati rahbari;

DJURAYEV Baxodir

Ismailovich — Qumqo'rg'on tumanidagi "Joziba mebel" xususiy korxonasi rahbari;

OCHILOV Murodjon

Maxamadiyevich — Termiz tumanidagi "Gold Dried Fruits Export" mas'uliyati cheklangan jamiyati rahbari;

XOLMUMINOV Axrorjon

Iloxomovich — Denov tumanidagi "Inter Prof City Sstroy" mas'uliyati cheklangan jamiyati direktori.

Sharafli medal va ko'krak nishonlari bilan taqdirlangan vohadoshlarimizni samimiy qutlaymiz!

OBOD VA FAROVON MANZIL — SURXONDARYONING HUSNIGA HUSN QO'SHAYLIK!

VILOYAT FAOLLARINING VOHA AHLIGA MUROJAATI

AZIZ VOHADOSHLAR!

Prezidentimiz tashabbusi bilan keyingi yillarda mamlakatimizdagi barcha soha va tarmoqlarda keng ko'lamli islohotlar amalga oshirilib, inson qadri va manfaatlari oliy qadriyat darajasiga ko'tarilmoqda. ayotbaxsh islohotlar

H nafasi viloyat markazidan tortib, eng olis va chekka mahallalargacha kirib boryapti. Qayerga bormang, muhtasham va ulug'vor imoratlar, yangi shaharcha va massivlar qurilayotganiga guvoh bo'lasiz. Har qadamda yangi korxonalar, sanoat zonalarini ishlab turibdi. Ilgari chang va loyga botgan ko'chalardan bugun asar ham qolmagan. Tekis va ravon yo'llar, tunlarni ham kunduzday yoritib turgan chiroqlar...

Qisqasi, har mahallada obodlik, har oilada fayz-baraka, har inson qalbida shukronalik. Ozod va obod Vatan ko'ksida marvarid-inju

misol toblanib, o'zini dunyoga ko'z ko'z aylayotgan so'lim Surxon ham ayni damda bayramona tuyg'ular og'ushida. Mustaqilligimizning 34 yillik shodiyonalari tobora yaqinlashib, bizni yangi yutuq va muvaffaqiyatlar sari dumoqda. Zero, viloyatimiz ahlining mamlakatdagi olamshumul islohotlar jarayoniga qo'shayotgan hisssasi ulkan. Bu hissa "Yangi O'zbekiston" massivlaridagi osmon bilan bo'ylashayotgan binolar yanglig' yuksak, Bu yuksaklik har bir yurtdoshimizning maqsadlariga ham ko'chganki, barcha intilish va sa'y-harakatlar ana shu hayotbaxsh maqsadlarga mushtarak!

QADRLI VILOYATIMIZ AHLI!

Ota-bobolarimiz: "Vatan mahalladan boshlanadi", degan maqolni bejiz aytmagan. Chunki biz — el-u yurt chorlaganda, azaldan "labbay!" deya xalq xizmatida astoydil kamarbasta bo'luvchi mard va olijanob xalqning farzandlarimiz. Obod mahallalarda tongdan yuz yuzgan ko'chalarning

chiroyi ozoda shahar-u qishloqlarning chiroyidir. Mahallarini obod va ozoda tutgan ahli voha biladiki, baraka aynan saranjomlikdan boshlanajak! Zotan, mustaqilligimizning qutlug' 34 yillik bayrami yaqinlashib kelayotgan ushbu kunlarda "Uying obod bo'lsa, ko'chang obod bo'ladi, mahallang obod bo'lsa, qalbing obod bo'ladi", degan hayotiy shior har bir fuqaroning, mahalla faolining kundalik faoliyatida dasturilamalga aylanishi lozim!



Yurtimizda yuz berayotgan o'zgarishlarning barchasi istiqlol sharofatlaridir! Zero, Prezidentimiz ta'kidlaganidek: "Keyingi yillarda Yangi O'zbekistonni barpo etish yo'lida ulkan qadamlar qo'ydik. Har bir ishimiz, har bir yutug'imizda istiqlolning buyuk qudrati namoyon bo'lmoqda. Vatanimiz dunyoga, dunyo esa yurtimizga keng ochilmoqda. Mintaqamiz va butun jahonda do'stlarimiz, hamkorlarimiz ko'paymoqda".



Ha, qanchalik ko'p takrorlanmasin, Vatan — buyuk sajdagoh, istiqlol — ulug' ne'mat ekanligi haqidagi hikmatlar yanada yangicha mazmun-mohiyat kasb etaveradi. Ana shu tamoyillarga amal qilib, yanada yakdil va hamjihat bo'lib, eng ulug' va eng aziz bayram — mustaqilligimizning 34 yilligini shod-u xurramlikda,

bag'ri butunlikda kutib olaylik va munosib nishonlaylik!

Joriy yilning **22-23-avgust** tashkil etilayotgan umumxalq hasharida obod va farovon manzillarning husniga husn qo'shib, qo'lni qo'lga beraylik! Zero, ozod elga obodlik yarashadi!

OLIIY TA'LIMDA GENDER DEZINFORMATSIYA

YOXUD YASHIRIN TAHDID VA OCHIQ HAQIQATLAR

“Har to'kida bir ayb bor” deganlaridek, jamiyatimizda haligacha xotin-qizlarning huquq va manfaatlari, oila va jamoatchilik orasida tutgan o'rniga birmuncha o'gay qarash saqlanib qolgan. Go'yoki, ayol kishilarga “bu narsa mumkin”, “buni esa mumkin emas” qabilidagi ayrim eskicha qarashlar haliyam

etish orqali jamiyatda erkak va ayol rollarini cheklashga qaratilgan xabarlar. Bunday ma'lumotlar ko'pincha ijtimoiy tarmoqlar, og'zaki gap-so'zlar yoki hatto o'quv jarayonida ham uchraydi.

Masalan: “Ayol uchun ilm shunchaki qo'shimcha, uning o'qishi shart emas”, “Texnika fanlari erkaklarga, gumanitar


kabi gaplar tasodifiy tuyuladi, ammo talabalar ongida chuqur iz qoldiradi.

3. Ishga joylashishdagi noto'g'ri maslahatlar – bitiruv arafasida qizlarga “Bunday ish joyida ko'p sayohat qilasiz, oilaviy hayotga zarar” deyish orqali

cheklanishi, iqtidorli yoshlarning o'z salohiyatini to'liq ocholmasligi, ish bozorida jinsiy nomutanosiblik kuchayishi. Avvalo, inson sifatida bunday holatlarga qarshi kurashish bizning odamiylik burchimizdir. Buning uchun:

haqiqatni himoya qilishimiz shart. Ma'lumot o'rnida aytish mumkin, ushbu loyiha mamlakatimizda, xususan viloyatimizda gender tenglikni ta'minlash maqsadida Nodavlat notijorat “Taskin”

quvvatlanmoqda. So'nggi yillarda mamlakatimizda gender tenglik bo'yicha ko'plab loyihalar amalga oshirayotganligi bejiz emas.



Muborak hadisi sharifda: “Beshikdan qabrgacha ilm izla!” deyiladi. Eng muhim omil shundaki, bu shunchaki oddiy da'vat yoki chaqiriq emas, aksincha barcha mo'min-musulmonlar uchun farz qilingan amaldir. Eskidan gap bor, erkak kishining olgan ilmi o'ziniki, ayol kishi esa butun millatni tarbiyalaydi. Shu sababli salohiyati baland odam biladiki, ayollarning bilim olishi juda ham muhim.

qaysidir ko'rinishda saqlanib qolgan. Shubhasiz, bugungi kunda oliy ta'lim tizimi nafaqat bilim berish, balki kelajak avlodning dunyoqarashini shakllantirishda ham eng muhim maydon hisoblanadi. Afsuski, bu maydonda ham gender dezinformatsiya – ya'ni, jinsga oid noto'g'ri, manipulyativ va stereotipli axborotlar – o'z “o'yin”ini o'ynamoqda.

GENDER DEZINFORMATSIYA NIMA?

Gender dezinformatsiya – bu ma'lumotni ataylab yoki bilmasdan noto'g'ri taqdim

yo'nalishlar ayollarga mos” kabi stereotiplar, “Ayollar rahbar bo'lsa, jamoada muammolar ko'payadi” kabi asossiz iddaolar. Bu kabi asossiz stereotiplar oliy ta'limda ham o'z aksini topgan desak mubolag'a bo'lmaydi.

Misol uchun:

1. Talabaliq davridagi qarorlar – ba'zi qiz talabalar STEM (texnika, muhandislik, matematika) yo'nalishlarini tanlashdan voz kechadi, chunki atrofdaigilar, “Bu soha ayolga og'ir” deb ishontirgan bo'ladi.

2. O'qituvchilar nutqida yashirin xabarlar – ba'zan dars davomida “Bu ish erkaklarga mos” yoki “Bu mavzuni qizlar yaxshi tushunadi”

ularni orzularidan qaytarishga urinishadi.

Statistik dalillar UNESCO ma'lumotiga ko'ra, dunyo bo'yicha STEM yo'nalishida o'qiyotgan talabalar orasida ayollarning ulushi atigi 35 foiz. O'zbekiston Oliy ta'lim, fan va innovatsiyalar vazirligi ma'lumotlarida, ayrim texnika yo'nalishlarida ayollar ulushi 20 foizdan kam. Bu ko'rsatkichning pastligi ko'pincha dezinformatsiya va stereotiplarga bog'liq.

GENDER DEZINFORMATSIYANING OQIBATLARI:

Talabalar tanlov erkinligining

1. Ta'limda tanqidiy fikrlashni rivojlantirish – talabalarni olingan har qanday ma'lumotni tekshirishga o'rgatish.

2. O'qituvchilar uchun gender sezgirlik treninglari – o'quv jarayonida yashirin diskriminatsiyani kamaytirish.

3. Ijoiy rol modellari – oliy ta'limda muvaffaqiyatga erishgan ayol va erkak mutaxassislar haqida ko'proq hikoya qilish.

Xulosa qilib aytadigan bo'lsak, Gender dezinformatsiya – bu faqat yolg'on ma'lumot emas, balki imkoniyatlar tengligiga to'siq bo'luvchi eng xavfli omillardan biridir. Uni yengish uchun har birimiz o'z sohamizda

markazi loyihasi asosida amalga oshirilmoqda. “Yevropa Ittifoqi Tabassum: O'zbekistonda gender tenglikni targ'ib qilish va yosh ayollarning imkoniyatlarini kengaytirish uchun media qobiliyatlarini” loyihasi DW Akademiyasi tomonidan Zamonaviy jurnalistikani rivojlantirish markazi (MJDC) bilan hamkorlikda amalga oshirilmoqda; Yevropa Ittifoqi tomonidan moliyalashtirilmoqda va Germaniya Iqtisodiy hamkorlik va taraqqiyot federal vazirligi (BMZ) tomonidan qo'llab-

Huquqiy erkin demokratik davlatlarda erkaklar va xotin-qizlar o'zaro teng huquqqa ega bo'lishi normal holat hisoblanadi. Turli xil davlat muassasalari:

Senat, Qonunchilik Palatasi hamda vazirliklarda ayol rahbarlarning faoliyat yuritayotganligi buning amaliy isbotidir. Nima bo'lganda ham, yurtimizda gender tenglik bo'yicha ijoiy siljish bo'layotganligining o'ziyoq ulkan yutuqdir.

Ozoda YOZDONQULOVA

BEKINMACHOQ O'YNAYDI KO'CHADA YO'LBELGILAR, DARAXTLAR PANASIDA, BINOLAR SOYASIDA. KO'RINMASLIK ISTAYDI, YASHIRINDIR SEZGILAR — O'SIMLIK CHIRMASHADI BELGINING POYASIGA...

YO'G'-E?!

QANDAY AJOYIB TANDEM, TO'XTASH KERAK YO YURISH, KERAQDIR, BALKI, SHU PAYT JANJALLAR YOKI URUSH. KARVON O'TAR, ITNING HAM ODATI BO'LAR HURISH — QOYIL QOLDIM MEN LEKIN, KO'RINMAS G'OYASIGA!

**KUTUBXONA TEKIN, QIMMATBAHO LEKIN...**

Zamonaviy jamiyatda bilim va ma'lumotlarga ega bo'lish imkoniyati insonlarning intellektual va madaniy rivojlanishi bilan o'lchanadi. Kutubxonalar — bu barcha odamlar uchun ochiq bo'lgan, bepul foydalanish imkoniyatini taqdim etuvchi bilim markazi hisoblanadi.

Kutubxona — bu jamiyat uchun muhim ta'lim va madaniyat manbayi bo'lib, unda har kim o'z bilimini oshirish, yangi ma'lumotlar olish va o'z qiziqishlariga mos ravishda kitoblarni o'qiyotgan talabalar orasida ayollarning ulushi atigi 35 foiz. O'zbekiston Oliy ta'lim, fan va innovatsiyalar vazirligi ma'lumotlarida, ayrim texnika yo'nalishlarida ayollar ulushi 20 foizdan kam. Bu ko'rsatkichning pastligi ko'pincha dezinformatsiya va stereotiplarga bog'liq.

**MUTAXASSIS MINBARI**

qanday odam, yoshidan qat'i nazar, kutubxonamizga kelib, o'z dunyoqarashiga mos, qiziqarli kitoblarni topishi mumkin.

Kutubxonamiz kitoblarni taqdim etishdan tashqari shinam o'quv zaliga ham ega. Unda nafaqat kitoblarni, balki kompyuterlar, internet va boshqa resurslardan ham foydalanish, internetga bepul kirish, bu orqali yanada kengroq ma'lumotlarni izlash, elektron kitoblarni va audiokitoblarni bilan tanishish, turli madaniy va ilmiy tadbirlarga qatnashish

ayni muddaodir. Bu jarayon, albatta, sizning bilimlaringizni yanada kengaytirishi mumkin. Bundan asosiy maqsadimiz xalqimiz orasida ziyoli insonlar, bilimli yoshlar ko'payishi xolos. Yurtimizdan yana Imom Buxoriy, Al Xorazmiy kabi yetuk ulamlarning yetishib chiqishi, yosh avlodning mutolaaga bo'lgan qiziqishini oshirish, ta'limni rivojlantirish va jamiyatda bilimli avlodni shakllantirish biz kutubxona xodimlarining vazifamizdir. Har bir inson bu

imkoniyatlardan foydalanib, o'z bilimini oshirishi va yangi g'oyalarni kashf etishi mumkin. Kutubxonalarning bepul ekanligi bir jihatdan qadrsizday tuyulishi mumkin. Biroq undan olinadigan bilim va ishtiyoqni hech qanday miqdordagi mablag' bilan o'ldirish bo'lmaydi. Beqiyos zavq va cheksiz hayajon, ilmiy salohiyat kutubxonalar va'da qila oladigan ustuvor jihatlardir. Bebaho xazinadan bepul foydalanish esa jamiyatning intellektual poydevorini barpo etishda muhim omil hisoblanadi.

Madina ADILOVA,
Sherobod tuman Axborot kutubxona markazi Abonentlar va foydalanuvchilarga xizmat ko'rsatish xizmati mutaxassisi

“GULBAHOR” DA ORTTIRILGAN TAJRIBA

Termiz tumanidagi “Gulbahor” mahallasi viloyatimizning olis va chegaradosh hududlaridan biri. Tuman markazidan ancha chekkadagi mahallada yashovchi insonlarning tashvishi va yillar davomida to'planib qolgan muammosi yetarli edi. Har bir fuqaroning qalbiga yo'l topa bilish, ularning tashvishiga sherik bo'lish, o'zining ishonchini qozonish, ayniqsa, yoshlar va xotin-qizlarning bandligini ta'minlash hamda ish o'rinlarini ko'paytirish uchun katta hayotiy tajribaga ega mutaxassis talab etilardi.

Qishloqdagi muammolarga yechim izlashda “mahalla yetilligi” da yetakchi rol o'ynaydigan hokim yordamchisining mahorati va tashabbuskorligiga ko'p narsa bog'liqligini inobatga olgan tuman hokimligidagilar mahallada tadbirkorlikni rivojlantirish, aholi bandligini ta'minlash va kambag'allikni qisqartirish masalalari bo'yicha hokim yordamchisi vazifasiga Baxtiyor Qurbonniyozov nomzodini tanlab adashmagan ekan.

Baxtiyor Qurbonniyozov ancha yil moliya-iqtisod tizimi va banklarda ishlash jarayonida yetarli tajriba to'plagan, fuqarolar bilan muomala qilish san'atini puxta o'zlashtirgan bo's mahallaga borgandanoq qishloq aholisi bilan tezda inoqlashib ketdi. Xonadonma-xonadon kirib, odamlar kayfiyati va sharoitini o'rgandi. Drayver soha bilan qiziqdi,

qaysi fuqaroning qanday ishini eplashi, qanday kasb-kor bilan shug'ullanishini bildi. Band va ishsiz aholini tarkibiy tahlil qilish, ishsiz fuqarolarni ishga joylashtirish hamda oilalarni kambag'allikdan chiqarish individual rejasini ishlab chiqdi.

Mahallada zavod-fabrika yo'q, odamlarning tayanchi ham, suyanchi ham yer. Hududda faoliyat ko'rsatayotgan 4-5 ta fermer xo'jaligi dalalarida sanoqli odamlar ish bilan band. Azaldan dehqonchilik va chorvachilik bilan mashg'ul bo'lgan insonlarning farzandlari ham zaminida biror ziroat ko'kartinib, ikki-uch bosh chorva mollarni boqishga odatlanib qolganini tushungan Baxtiyor talabgorlarga yer ajratish hisobiga ularning bandligini ta'minlash va oilalarning turmushini farovonlashtirish mumkinligini



chekkadan xaridor chiqqani yo'q, hokim yordamchisi mahallaning yoshlar

yetakchisi Ruslan Do'stqobilov bilan hamkorlikda ishsiz yoshlarni aniqlab, ularning 48 nafariga o'sha 24 gektar yer uzoq muddatga ijaraga berildi. Hokim yordamchisi tashabbusi bilan kooperatsiya tashkil qilinib, yoshlarga berilgan yerda “Bir mahalla — bir mahsulot” tamoyili asosida eksportbop mahsulotlar yetishtirish yo'lga qo'yildi. Yoshlar yerni shunchaki egallab

qo'ymay, balki har qarchidan samarali foydalansin, degan ma'noda ularning har biri nomiga “Dehqon xo'jaligi” hisobvarag'i ochildi. Rossiya va boshqa chet davlatlarga ishlash uchun borib munosib ish topolmay qaytgan Sunnatulla Xushatov va Jahongir Mustafoqulov kabi yoshlar ijaraga berilgan zaminga tarvuz ekib, 80 million so'mdan daromad qilishdi. Dastlabki natija yosh dehqonlarni ruhlantirdi. Endilikda yoshlar yerga har yili turfa mahsulotlar yetishtirib, mo'may daromadli bo'lishyapti.

Hokim yordamchisi xonadonbay ishlab, tadbirkorlikka havasi balandlarni aniqlab, ro'yxatini shakllantirdi. Ularni kichik biznes bilan shug'ullanishlari uchun sharoit yaratish harakatiga tushdi. Mahalla hududidagi yerlarga uzoq yillardan buyon asosan g'alla, paxta va poliz ekinlari ekilgan-u, lekin bir sotix bo'lsa-da,

mevali bog' yoki uzumzor tashkil qilish hech kimning xayoliga ham kelmagan. Qahramonimiz oqsoqollardan bu yerlarda daraxt ko'karish-ko'karmasligini so'rab bildi-da, ixchamgina bo'lsa-da bog' yaratishni diliga tugib qo'ydi. U eksportbop mahsulotlar sirasiga bog' noz-ne'matlari ham qo'shilsa, fuqarolarning daromadi yana ham ko'payishini inobatga olib, bog'bonlik



ilmidan xabari bor Alisher Saparov nomiga 15 gektar yer ajratilishiga erishdi. Chet el, shuningdek, vodikdagi viloyatlardan mevali daraxtlarning eng sara navlari ko'chati keltirilib o'tqazildi. Artezian qudug'i qazilib, tomchilatib sug'orish joriy qilindi. Samarasi chakki emas: uch yildirki, intensiv bog' dan sarxil mevalar terilib, eksport qilinayapti.

Hokim yordamchisi sa'y-harakatida bir necha nafar fuqaroga “Oilaviy tadbirkorlikni rivojlantirish” dasturi doirasida kredit berildi. Jumladan, Shahlo Odinayevaga chorvachilik yo'nalishida tadbirkorlik faoliyatini boshlashi uchun yordamchining tavsiyasi bilan 100 million so'm kredit ajratildi va “Kichik biznesga ko'maklashish markazi” da o'qib malakasini oshirdi.

